

9  
**E**X P L V T A R C H O  
D E N V G A C I T A T E  
O P V S C V L V M H O C V E R,  
T E B A T I O A N N E S  
L A V R E N T I V S  
V E N E T V S.

E

DE NAVECITATE

DE NAVECITATE

DE NAVECITATE

DE NAVECITATE

DE NAVECITATE

DE NAVECITATE

PLVTARCHVS DE NVGACITATE  
INTERPRETE IO. LAV,  
RENTIO VENETO.

Em omnino grauem, difficilemq; suscipit  
Philosophia, dum nugacitatē sanare uelle  
profitetur. Eius enim medicina, & pharma-  
cum sermo est, qui ad audiētes pertinet. nugaces uero,  
dum semper loquuntur, neminem audiunt, & primum  
hoc, peculiareq; nugacitati uitium inest, quia non au-  
dit. Voluntaria nanq; surditas quibusdam hominibus  
innata est, quos naturæ succensere puto, q; linguam uni-  
cam, aures habeant geminas. Idcirco si ad impruden-  
tem auditorem eleganter dixit Euripides,  
Nihil tenentem complere haud possem satis,  
Sermone docto fatuum perluens uirum.  
Longe commodius ad nugatorem, uel de nugatore  
potius, dicere quis posset,  
Nihil admittentem complere haud possem satis,  
Sermone docto fatuum perluens uirum.  
Vel ut rectius dicamus, circūfundens, homini ad eos  
qui non audiunt, loquenti, eos uero qui loquuntur non  
audienti. Nam & si paruum aliquid audiuerit, illud nu-  
gacitas tanquam inundationem quāprimum suscipit,  
ac longe abundantius reuomit. Porticum illam olym-  
picam unica tantum uoce plurifariam reuerberantem,  
septiuocam appellauere. At nugacitatem etiam si bre-  
uissimus titillauerit sermo, statim contra resonat. Mo-  
uetq; chordas animi immobiles prius, & fortasse dubi-

tari posset, an loquacibus, non in animum, sed in linguā  
auditus sit perforatus, ac propterea cum apud alios uer-  
ba resideant, a nugatoribus cōtinuo effluunt, quapro-  
pter tanquā uasa uacua, & sine mente, tinnitus pleni cir-  
cunferuntur. Si igitur intentatum nihil prætermitten-  
dum est, Nugaci dicamus licet,  
Silere oportet, multa nam fili bona  
Præstat tacentis lingua continens uiri.  
Duo uero præcipua, & maxima, audire scilicet, atq; au-  
diri, quorū neutrum assequi nugatores possunt. ea & nō  
in re quam maxime cupiūt, infelices sunt, in aliis quip-  
pe animi ægritudinibus, ut auaritia, gloriæq; aut uolu-  
ptatis cupiditate, quo saltē optāt homines, perueniūt.  
Nugacibus uero hoc præcipue molestissimum euenit,  
quod cum auditores maxime habere cupiant, non inue-  
niūt. Vnusquisq; enim eos concito gradu fugit, & si for-  
te in hemicyclo sedentes, uel deambulantes aliqui nu-  
gacem, eūdē ad locum aduentare cōspexerint, quasi  
castra mouēda sint, alter alterum, ut celeriter discedat,  
hortatur. & quemadmodum in conuentu aliquo, dum  
taciturnitas quædam subita homines occupat, superue-  
nisse Mercurius dicitur, sic etiam cū in symposium,  
concessumq; familiarium, nugator intrauerit, continen-  
tissime silentium seruant. Timent enim ne loquēdi cu-  
pido ansam præbeant. Si uero os ipse aperire coeperit,  
tanquam ex maritima aliqua specula boream spirare ui-  
derint, fluctuationem, nauseamq; futuram suspican-  
tes, e loco discedunt. Quapropter etiam usu uenire so-  
let, ut dum inuitati ad coenam ueniunt, apud eos libe-

ter sedeat nemo, & dum peregrinantur, aut nauigant,  
homines non sponte, sed coacti eodem nauigio, aut  
cubiculo permaneant. Adiacet enim ubiq, ac modo  
apprehensis uestibus, modo barbam uellicans, non  
nunquam latus manu percutiens inhæret. Ea igitur (ut  
Archilochus ait) tempestate, pedes maximo sunt pre-  
tium. & mehercle sapiens Aristoteles idem sensit, nam  
& ipse importuna cuiusdam loquacitate moleste affe-  
ctus, & absurdis eius narrationibus uerberatus, cum ille  
identidem inculcaret, nonne hoc tibi mirum uide-  
tur Aristoteles? non hoc (inquit) mirum, sed illud,  
si quis pedes habeat, te perpeti possit. Alterique hu-  
iusemodi moribus prædito, cum post multos lon-  
gosque sermones, subiecisset, nugatus sum tecum phi-  
losophe, non per Iouem respondit, ad ea enim quæ  
dixisti, mentem non adhibui. Et si quando nugaces ut  
audiantur, nobis intulerint uim, animus aures uerbis  
solum exterius circūfundendas accommodat, ipse uero  
interius alias cogitationes secū percurrit, & uersat. Eam  
ob rem intentis credulisq, auditoribus haud quaquam  
abundant. utque eorum qui ad res uenereas proni, faci-  
lesque sunt, semen haud omnino genitale creditur, ita  
nugacium sermo imperfectus est, & minime fructuo-  
sus. Et tamē nihil firmiore uallo natura, quam linguam  
in nobis munisse uidetur, quippe quæ eam obiecto  
ante ipsam dentium præsidio coercuit, ut si quando  
rationi habenas quatienti non obtemperauerit, nec con-  
uersa redierit ad officium, sanguinem morfu elicien-  
tes eius intemperantiā continere possimus. Neque

Arist. Dic. fu  
in de morib.

enim aerarii , domusq; non clausæ , sed effrenis linguæ  
extremum finem , infelicitatem occupare , scripsit Euri  
pides . Qui uero domum sine foribus , uel marsupium  
non ligatum possessori nihil conferre posse putat , ore  
autem non obsignato , sed tanquã Ponti ostio , quod  
semper exterius effluit , patente utuntur , rem omniũ ui  
lissimam , humanũ sermonẽ æstimare uidentur . Idcir  
co nec fidem quã omnis affectat oratio assequuntur , pe  
culiaris & .n. propriusq; eius finis est , fidẽ uerbis astrue  
re . Nugacibus autem etiam si uera dixerint , nullus cre  
dit . Vt .n. frumentum uase cõstrictum cumulationis mẽ  
suræ inuenitur , usu autem pessimum est , sic sermo qui  
in hominem loquaciorem Ìciderit , cumulationis men  
dacii mensuram reddit , cuius causã fidẽ sibi ipse abro  
gat . Quod autem omnis , qui modo uerecundus , & mo  
deratus esse uoluerit , uinolentiam caueat , manifestum  
est . Furoris .n. ut quidam dicunt , comes est iracundia ,  
ebrietas autem cõtubernalis , uel ut rectius dicamus , in  
sania est , tempore breuior . Sed quoniam uolũtaria est ,  
propterea maior , spontanea etenim in ea electio inest .  
In hac igitur ebrietate nihil magisquam uerborum pe  
tulãtia , & incertitudo sermonis uituperatur .  
Bacchus .n. inuitat , suadet qui sæpe canendo ,  
Dulcibus atq; iocis , molles iterare choreas ,  
Et blando risu sapientibus ora resoluit .  
Et quid grauius ? cuiusq; comparatione , saltatio , risus ,  
iocusq; nihil est ? id scilicet quod subditur .  
Quæq; tacenda forent melius , uulgare coegit .  
Hoc iam intolerabile , periculoq; plenum est , & fortasse

quod apud Philosophos iam diu quæritur, hisce uer-  
 bus Poeta soluit, potationis uidelicet, ebrietatisq; di-  
 uersitatem significans. potu. n. remittitur animus, ebie-  
 tas in nugacitatem incidit. Id. n. quod sobrii hominis  
 corde seruatur, in ebrii lingua residere solet, ut aiunt, qui-  
 bus prouerbia colligere studium est. Idcirco Bias cum  
 in Symposio taceret, proptereaq; tanquã simplex, ru-  
 disq; a nugatore quodã taxaret, Et quis natura (inquit)  
 fatuus inter uina silere potest? Athenis etiam dum re-  
 gios oratores quidam conuiuio suscepisset, sciretq; eos  
 uirtutis studiosos esse, omnem adhibuit diligẽtiam, ut  
 eundem in locũ Philosophos congregaret. cumq; mu-  
 tuis inuicem sermonibus colloquerentur, & quasi per  
 symbolum uerba conferrent, solus inter omnes quiesce-  
 bat Zeno. cui blande compellato, dum legati propi-  
 nassent, dixere, de te Zeno, Regi quidnam dicturi su-  
 mus? Et ille, nihil inquit aliud, nisi Athenis senem esse,  
 qui in potu silere nouit. adeo profundum, sobriumq;  
 mysterium taciturnitas est. Ebrietas autẽ merẽ nugæ,  
 ut pote cum sine iudicio & cura sit, proptereaq; in mul-  
 tas panditur uoces. Philosophi etiam ebrietatem cum  
 definiunt, nugacitatem in uino esse aiunt. Idcirco pota-  
 tio probum non est, si inter uina silentium adsit. Stul-  
 ta. n. confabulatio ex potu uinolentiam parit, & tamen  
 ebrius in uino solum. at loquax ubiq; nugatur, in foro,  
 in deambulatione, in theatro, i. comotatione, die, no-  
 ctuq; ægroto assidens, i. firmitate ipsa grauior est, simul  
 nauigans nausea molestior, laudans uituperatẽ impor-  
 tunior, iucundiorq; est nequam hominis, sed tempe-



stui, quam boni uiri, sed nugacis consuetudo. Nestor  
illē Sophocleus Aiacem excandescentem mitigans, mo-  
raliter dixit, tibi non succēseo, qui cum bene facias, ma-  
le loqueris. Erga nugacem uero, non eo quo Nestor  
erat, affectu sumus, sed omnem operæ quam exhibet gra-  
tiam, sermo intempestiuus corrumpit, ac perdit. Lysias  
cuidam causam dicturo, orationem tradidit scriptam,  
quam ille cum sæpe legisset, ad eum rediit dolens, aitq;  
sibi cum primum orationem percurrisset, admirabilē,  
cum uero iterū, ac tertio in manus sumpisset, sine ulla  
omnino uehementia uisam. Cui arridens Lysias, nonne  
(inquit) semel tantum coram iudicibus dicturus es? &  
tamen Lysiae gratiam, persuadendiq; artificium igno-  
rat nemo. eum enim ego affirmare ausim, omnes Musa-  
rum ueneres, suauitatesq; sortitum. Illud etiam quod de  
Poeta dicitur, uerissimum est. Solus. n. Homerus homi-  
num superauit satietatem, adeo ubiq; nouus reperitur,  
& recenti gratia ubiq; præditus floret. Is tamē dum de  
seipso quodammodo exclamat,

Displicet acta prius iterum inculcare loquendo.

Fastidiū, quod omni immodicæ locutioni assidet, euita-  
re, & cauere uoluisse uidet. atq; ita ex uno in alterū tran-  
siens argumentū, mulcet auditorē, ac narrationū multi-  
plici nouitate, satietatem declinat. Nugaces uero idem  
semper iculcantes obtundūt aures, tanquā palimpsesta  
delentes. In hoc igitur primū admonendi sunt, q; sicut  
uinū uoluptatis, conciliandæq; iter amicos beneuolen-  
tiæ causa, alioqui inuentū, si quis multū, merūq; bibere  
coegerit, homines ut plurimum ad nauſeam, uinolens

memoranda iterū  
abraso



tiamq; conuertit, ita etiam sermo, cum rerum omnium  
 suauissimus sit, maximeq; ad conciliandos inuicem ho-  
 mines inuentus, qui eo male, inepteq; utuntur, inhumā-  
 num infociabilemq; efficiunt. His. n. quibus gratificari  
 se putant, molestiam inferunt, ex his quibus hominum  
 erga se admirationem cō citari existimant, derisui sunt,  
 ac per quā diligī, amariq; sperant, fastidio habētur. Vt  
 igitur cestro præ cinctus, eos qui ad gratiam uersantur, si  
 fastidiat, & repellat sine Venere, sic etiam qui nugādo  
 molestus, & propterea odio dignus est, rusticus, inele-  
 gansq; omnino habetur. Illud etiam animaduertendū  
 q; animi ægritudines, aliæq; affectiones, uel periculum,  
 uel odium, uel irrisiōnem secum afferre solent. In nuga-  
 citate uero simul insunt omnia. deridētur enim quoniā  
 cum omnibus cōmunicant. odio habentur, quia mala  
 nuntiant. periclitantur, quoniam secreta non cōtinent.  
 Quapropter Anacharsis apud Solonem inuitatus, cum  
 obdormiuiisset, sinistra uirilibus, dexterā ori applicuisse  
 repertus est, fortiore & enim nexu linguam coercen-  
 dam existimabat, & id quidem recte. Nemo enim faci-  
 le tot homines rei uenereæ intemperantia lapsos enu-  
 merare posset, quot Ciuitates, & principatus, secreta in  
 publicum diuulgata funditus euertere. Athenas obside-  
 bat Sylla, nec ei diutius permanendi eo in loco super-  
 erat ocium. Siquidem hinc Mithridates, qui Asia Ro-  
 manis eripuerat, inde Marius, eiusq; fastio, quæ urbem  
 iterum occupauerat, hominē urgebant. sed cum senio-  
 res quidam intra Athenas, apud conſtrinam colloque-  
 rentur, incidit iter eos sermo, q; Heptachalcū minime

custodiret, periculumq; esse, ne urbs ea ex parte capere  
tur quæ uerba exploratores qui aderant cum audissent,  
Syllæ retulerunt. At ille statim exercitu congregato, cir  
citer noctis medium, per eum locum in urbem milites  
introduxit, paulumq; abfuit, quin eam deleret, cæde  
tamen, & cadaveribus compleuit adeo, ut sanguine Ce  
ramicum fluxerit. Erat autem ille Atheniensibus ob di  
cta potius quā facta iratior. Probra enim in eum & Me  
tellam, in muris saltantes iactabant, Sylla fursure morus  
asperfa est. ac pleraq; alia huiusmodi nugantes pro le  
uissima (ut Plato inquit) uerborum petulantia, intolera  
bilem multam perpeffi sunt. Urbem quoq; Romā ne  
a Neronis seruitute in libertatem assereretur, hominis  
uniús nugacitas prohibuit. Vnica supererat nox secūdu  
quā præparatis omnibus, Tyrannum interfici oportebat.  
Is autem qui eum interficiendū susceperat, in thea  
trum proficiscens, cum hominem in uinculis apud fo  
res ut Neroni exhiberetur, qui fortunā calamitatemq;  
propriā plorabat, uidisset, propius accessit, & insurrās,  
Deos (inquit) bone uir ora, ut hodierna hæc dies solū  
pertranseat, nam crastina mihi gratias ages. Ille autem  
obscure significatā occasionē arripuit, & secum (ut pu  
to) cogitans, stultum esse pro incertis, certa relinquere,  
tutiorē potius spem salutis, quā iustiorē elegit. Ac  
uerba hominis illius Neroni detulit, qui sublimis ra  
ptus quam primum est, & statim quæstiones ignis, uer  
beraq; admouentur, ut quod nulla urgente causa uul  
gauerat, & tunc, quāquā tormentis coactus negabat, cō  
fiteretur. At Zeno philosophus, ne cōiurationis secre

tum, etiam inuitus tormentorū uiolentia cogeretur fa-  
 teri, excisam mordicus linguā, in tyranni faciem expuit.  
 Leæna etiam honestissimum huiusce continentiae præ-  
 mium habet. Ea erat meretrix Harmodio, Aristogytos  
 niq; familiaris, quæ coniurationis in tyrānos particeps  
 cum esset, nihil aliud utpote mulier, nisi spem commu-  
 nicare poterat. nam ipsa quoq; eodem quo illi, amoris  
 pulcherrimo cratere bacchabatur, & ad secreta fidissi-  
 me tenenda, ipsius cupidinis interuētu iniciata erat. Vt  
 igitur ambo aduersa usi fortuna interfecti fuere, capta  
 est. & dum ab ea per tormenta exquireretur, ut coniura-  
 tionis participes, qui ignorabantur, deferret, neminem  
 nominauit. sed forti, constantiq; animo prædita, osten-  
 dit nihil se ipsis indignum tantos uiros fecisse, quoniā  
 talem amauerant. Atheniēses uero Leænam ex ære elin-  
 guem fecerūt, ac pro foribus arcis dedicauere, ut ex ani-  
 malis uehementia & impetu animi, eius insuperabilem  
 constantiam, q; linguam haberet nullam, taciturnitatis  
 mysterium figurarent. Nullum enim uerbum unquam  
 dictum tam profuit, quam multa nō dicta. quod enim  
 tacetur, proferre cum placuerit, licet. quod prolatū est,  
 taceri non potest, sed effunditur undiq; ac diuulgatur.  
 Idcirco sermonis homines, silentii pceptores habemus  
 deos, id quod ex secretis mysteriis, sacrisq; pcepimus.  
 Vlyssē hominē eloquentissimū, maxime omniū taci-  
 turnū inducit poeta, filiū quoq; eius & uxore, ac postre-  
 mo nutrice ipsam similiter. audis enim eam dicentē.  
 Vt ferrum, & quercus tanquā prædura manebo.  
 Et ipse Penelope assidens.

Vxoris lachrymas animo miseratus amaras,  
Ast oculos, tanquã ferrum, cornuq; tenebat  
Immotos.

Adeo corpus eius undiq; constantia & fortitudine se-  
ptum erat. & ratio omnia sibi obtemperãtia subiectaq;  
fecerat, ut oculis, ne flerët, linguæ, ne loqueretur, cordi  
ne tremere, aut latraret, p̃scribere posset. Iquit enim,  
Olli cor patiens, fixum, immotumq; manebat.

Nam usque ad irracionales motus ratio penetrabat, Ita  
ut spiritum sanguinemq; dicto parentem, & mansuetũ  
sibi ipse reddidisset. Tales etiam ex sociis eius plerique.  
Quod enim a Cyclope lacerati, pavimento allisi, nihil  
de Vlyssis cõsilio dixerint, quod igne duratum, præpa-  
ratumq; ad effodiendum lumen, instrumentũ non ostē-  
derint, sed potius crudi deuorari, quam secretũ aliquid  
propalare sustinuerint, constantiæ fideiq; argumētum  
adeo magnum de se ipsis exhibuerunt, ut nihil amplius  
addi possit. Quapropter nõ male Pittacus. Cui cũ Aegy-  
pti rex uictimam misisset, utque optimam, pessimamq;  
inde exciperet carnem, mandasset, linguam extraxit  
& misit, tanquam scilicet bonorum omnium, malo-  
rumq; instrumentum uel maximum esset. Ino autem  
apud Euripidẽ de se magna fiducia profitetur, quod  
ubi expediret, silere nossset, loqui uero cũ tutum esset.  
Qui enim generosa, uereq; regia educatione istituti fue-  
rint, tacere primum, postea loqui didicerunt. Antio-  
chus rex ille magnus cum interrogaretur a filio, quan-  
do castra moturus esset, times (iquit) ne solus tu bucci-  
næ clangorem nõ audias? Quid igitur? cui regnum re-

listurus erat, secretam uocem cōmittere non poterat:  
 poterat inquā. sed eum docere uoluit caute, continen-  
 terq; in huiusmodi se gerere. Metellus etiam senior  
 simile quiddam, dum exercitum haberet, interrogatus,  
 Si uestem (ait) meam huiusce secreti consciam esse existi-  
 mare, quam primum spoliatus, eam in ignem impo-  
 nerem. Eumenes cum audisset contra se aduentantem  
 Craterū, nulli ex amicis rem communicauit, sed Neo-  
 ptolemum esse eum qui ueniebat, mentitus est. Hunc  
 enim milites contemnebant, illius uero dignitatē admi-  
 rabantur, amabantq; uirtutem. Cum itaq; nemini secre-  
 tum hoc cognitum esset, congressi sunt, superatisq; ho-  
 stibus, Craterum quoq; ipsum nescientes interfecere,  
 mortuumq; demum cognouerunt. Atq; hoc modo ta-  
 citurnitas pugnam confecit, & talem tantumq; hostē,  
 ut ignoraretur, assecuta est. A deo ut Eumenem, quoniā  
 nihil antea communicasset, potius admirarētur amici,  
 quam aliqua in re, ei succenserent. & si quis etiam succē-  
 sisset, longe melius est seruari quempiā, & quasi nemi-  
 ni fidem habuerit, reprehendi, quam nimia facilitate  
 lapsum ruere, proptereaq; accusari. Et quis est qui lo-  
 quax ipse cum sit, locum, audaciamq; non tacentem re-  
 prehendedi sibi ipse relinquat? Si enī quæ dicebas effer-  
 ri hō oportebat, cum altero, quare communicabas? Sin-  
 tu ipse dimittis, & secretum apud alium deponis? cum  
 tuam prostituas fidem, ad alienam confugis? Quod si  
 tui similis ille fuerit, iuste periclitaris. Si melior, prae-  
 ter rationem bene tibi succedit. Quippe qui alterum te  
 ipso fideliores experiris, Sed hic ais, amicus meus est.

Huic etiam aliquis alius amicus erit , cui credet , ut  
huic ego, & ille rursus alteri, hocq; modo intemperan-  
tia crescente, sermo pullulat, atq; diffunditur. Vt enim  
unitas fines non transcendit suos, sed semper unum est,  
iccircoq; unitas appellatur. Dualitas autem differentiae  
principium indeterminatum est, quamprimum enim  
se ipsam duplicando disiungit, in pluralitatem conuer-  
titur. Sic etiam uerbum quousq; apud primum perma-  
net, secretum re uera est, Si ad alterum transfertur, iam  
famae nomen sibi uendicat. Verba uolantia esse ait Poe-  
ta, utq; uolatile, si quis manu emiseric, non facile iterum  
recuperat, ita etiam sermo ex ore iactatus contineri, alli-  
gariq; non potest. sed celeres per circuitu pennas qua-  
tiens, ex aliis, ad alios diuulgatus fertur, & uolat. Cum  
uehementiore uentorum impetu rapitur nauis, iactis an-  
choris, & iunco fascibus inuolutis, cursum retinet. At  
sermo postquam excurrere tanquam e portu coeperit,  
nec anchorae iactu, nec statione retinetur. Sed strepitu,  
sonituq; multo concitus, uiq; coactus rumpitur, & cum  
eius qui locutus est, periculo mergitur. iccirco,

Parua ex fauilla posset idæum nemus

Ardere, si quis uellet, hoc credas mihi,

Vniq; dictum ciuitas omnis sciet.

Senatus Romae secretum quoddam rei dubiae, per plu-  
res dies agitabat. cumq; res illa multam suspicionem,  
incertitudinemq; habere uideretur, foemina quædam,  
quantum ad alia attinet, modesta, & pudica, sed tamen  
foemina, apud uirum summis precibus, blandiciisq; in-  
stabat, ut secretum communicaret, iuramēta, impreca-



tiones, & lacrymæ de taciturnitate seruanda continen/  
 ter aderant. Videbatur enim maxime anxia esse, ac mo/  
 leste ferre, quasi uir ei fidem haberet nullam. At Roma/  
 nus mulieris simplicitatem redarguere cum uellet, uim/  
 mihi (inquit) infers uxor, & uincis. sed audi terribile, hor/  
 rendumq; monstrum, quod sacerdotes nuntiauerunt. Co/  
 tumix galeam capite auream gestans, lanceamque fe/  
 rens, uolare uisa est. in magna propterea ambiguitate  
 etiam cum auguribus uersamur, boni ne, an mali ali/  
 quid, ostentum portendat. Tu uero tace. Et hoc di/  
 cto in forum ibat. Mulier prima ex ancillulis quæ forte  
 ingressa erat arrepta, pectus uerberare, crinesque ipsa  
 præsentē, lacerare coepit, heu mi uir, heu patria, idē/  
 tidem clamans, quidnam calamitatis patiemur? uo/  
 lens quodammodo ancillam docere, ut quid noui eue/  
 nisset, interrogaret. Vt igitur interrogata narrauit omnia,  
 & communem illam omnium nugacium addidit clau/  
 sulam, nemini dixeris, sed tace. Ancillula quam pri/  
 mum inde secessit, una ex conseruis quam ociosio/  
 rem uidit euocata, secretum cum ipsa communicauit.  
 Illa amanti suo qui aderat, retulit, ac deinde in forum  
 usque, res illa quasi circulo quodam reuoluta est, ita ut  
 eum qui rumorem finxerat, præueniret. occurrensq; ei  
 ex familiaribus quidam inquit, nuper ne ex domo in  
 forum descendis? nuperrime ait ille. nihil igitur audi/  
 uisti? nihil. sed est ne aliquid noui? Cotumix cum lan/  
 cea, galeaq; aurea uolare uisa est, & hanc ob rem prin/  
 cipes ciuitatis Senatum habituri sunt. Ille uero ri/  
 dens bene, ac recte (inquit) uxor mea, cuius diligentia



effectum est, ut secretum in forum me citius, præcurre-  
rit. Principes itaq; celeriter conuenit, & re (ut erat) nar-  
rata, ciuitatē metu, ac perturbatione liberauit, utq; mu-  
lierem ulcisceretur, cum primum rediit domum. Heus  
bona uxor perdidisti me, iquit. Secretum enim e domo  
nostra prodiiisse in uulgus deprehendit Senatus. Idcir-  
co incontinentiæ tuæ causa, mihi a patria exulandum  
est. Illa uero primum negare coepit, deinde dicere, nō  
ne hæc cum trecentis hominibus audisti? quos mihi in-  
quit ille, trecentos nugaris? cum mihi uim inferres, ut tē  
perantiæ tuæ periculum facerem, omnia finxi. Hic igitur  
magna adhibita cautione, tanquā in uas minime syn-  
cerum, nō uinum, oleumue, sed aquam infunderet, uxo-  
rem tuto expertus est. Fuluius autem Cæsar Augusti  
familiaris & socius, cum audisset eum iam senio grauē,  
ob desertam, orbatamq; domum ingemiscētem, quo-  
niā duobus intempestiuo funere elatis nepotibus suis,  
& Posthumio, qui reliquus erat, calumniæ causa exulan-  
te, uxoris filium principatus successorem, instituere co-  
geretur, ideoq; pietate motus de nepote, ab exilio reuo-  
cando cogitabat, hæc Fuluius ut audiuerat, uxori suæ  
detulit. Illa uero Liuiæ protinus. Liuia igitur acerbissi-  
me apud Augustum cōquesta, si hæc (ait) iam pridem  
deliberasti, cur nepotem ab exilio non reducis? cur  
me in odium, inimicitiamq; successorum principatus  
tui coniicis? mane autem dum pro consuetudine ue-  
nisset ad eum Fuluius, dixissetq; Salue Cæsar. Sanus sis  
inquit ille Fului, quod resalutandi genus cum intelle-  
xisset Fuluius, quamprimū discessit, & resta in domū,

euocataq; uxore, Cæsar (ait) secretum quod communi  
 cauerat mecum, non tacuisse me percepit, ac propter  
 rea me ipse interficere uolo, At mulier recte quidem  
 ait, cum enim tot annis tecum habitem, intemperantiã  
 nec cognouisti, nec obseruasti meam. sed dimitte me,  
 ut prius moriar, arreptoq; gladio se ipsam confodit,  
 uirumq; morte præuenit. Bene igitur comicus Philip-  
 pides, cum enim eum omni comitate Lisymachus Rex  
 prosequeretur, interrogaretq;, quid nam de rebus meis  
 tecum me participare cupis Philippides, ut lubet (ĩquit)  
 rex, dum tamen secretum aliquod non cõmunices me-  
 cum. At in nugacitate curiositas (quæ non minor est  
 morbus) inesse solet, multa etenim audire uolunt, ut  
 multa referre possint, & occulta secretioraq;, circum-  
 eundo, odorandoq; scrutantur, ac apud nugacitatem,  
 tanquam uetus aliquod lignorum pondus reponunt.  
 Et quemadmodum pueri glaciem, neq; cõtinere, neq;  
 dimittere uolunt, uel, ut rectius loquamur, dum secre-  
 tiores sermones tanquam serpentes sinu gestent, con-  
 tinere non possunt, postremo ab ipsis deuorantur. Vi-  
 peras atq; echidnas dum pariunt, dirumpi aiunt. At  
 sermo qui efferrī non debet, si in eos qui continere non  
 possunt, inciderit, in præcipitium trahit. Seleucus  
 cognomento Callinichus, cum in pugna contra Gal-  
 los exercitum amisisset, lacerato abiectoque diadema-  
 te, cum tribus, quatuorue ad summum equo fugiens,  
 per loca inuia diu uagus cucurrit, & tandem cum la-  
 bore fameque fatigatus deficeret, ad uillam quandam  
 coactus accessit, cūq; dominum casu reperisset, panem

& aquam petiit. ille uero & hæc, & alia, pro ea copia  
quæ rustico in prædio erat, iucunde, abundanterque,  
nullo comitatis genere prætermisso, exhibuit. Cūq; Regē  
perspexisset, quisnam esset cognouit, ac uehementer læ  
tatus est, quod fortuna i id necessitatis cōpulsū ad se  
potissimum detulisset. Exhilaratus igitur se ipsum cōti  
nere non potuit, nec Regi latere uolenti, una cum ipso  
mētitus est. sed cum usq; ad uiam, regē comitatus esset,  
ac discedere uellet, saluus sis (inquit) Rex Seleuce, & ille  
porrecta dextera quasi deosculaturus, hominem traxit,  
& simul uni ex his qui sequebantur, annuit, ut ceruicem  
eius gladio incideret.

Dum loquitur, terræ caput incidit ense reuulsum.

Qui si ad opportunum usq; tacuisset tempus, cum pau  
lo post Rex ad pristinam felicitatē, & maiorem rediis  
set, ubiores ex taciturnitate gratias, quam ex hospi  
talitate reportasset. hic tamen aliquam quodammodo  
incontinentiæ suæ occasionem, bene sperando hospi  
tii causa habere uidebatur. Maior autem nugatorum  
pars, nullam ob causam seipsos perdunt, quale illud  
est, quod in tonstrina euenit. Cum enim inter assiden  
tes de Dionysii tyrannide sermo incidisset, dicere  
turq; eam insuperabilem, & quodammodo adamanti  
nam esse, arridens tonsor, hæc de Dionysio uos existi  
mare non mediocriter (inquit) miror, cuius ego cer  
uici, paucis interiectis diebus, nouaculam superimpo  
no. Hæc, ut audiuit Dionysius, hominem in crucem  
actum interfecit. Et certe ut plurimum tonsores omnes  
nugaces sunt. cum enim loquacissimi quiq; ad tonstri

nas confluant, ibidemq; totos dies assideant, & nugen-  
tur, ipsi quoq; nugandi consuetudine imbuuntur. Idcir-  
co urbane admodum Archelaus rex, dum eum loqua-  
rior tonsor linteis cicūuaret, crebroq; quomodo te  
radi uis o Rex, percūstaretur, tacēdo, respondit. Cladē  
etiam illam Atheniensium in Sicilia maximam, cū ton-  
sor a cuiusdam qui inde euaserat seruo, apud Pyræum  
audisset, primus nuntiauit. Relicta enim tonsrina,  
cursu citatissimo, quasi ne ei gloria præriperetur time-  
ret, ad urbem ascendit, ciuitatemq; statim compleuit  
totā, ortaq; ut æquum erat, pro rei magnitudine per-  
turbatione, populus in concionem collectus, primos  
huius nuntii, rumorisq; authores perscrutabatur. Addu-  
ctus igitur tonsor est, cumq; interrogaretur, ne nomen  
quidē eius, a quo id audisset sciebat, omniaq; ad igno-  
rum, & innominatum quempiam referre. Vniuersa con-  
cio ira percita acerrime ad prætorem clamare coepit.  
Tolle, torque, excrucia scelestum, componit enim &  
fingit hæc. nam quis alius audiuit? quis credidit? affer-  
tur igitur quamprimum rota, & extenditur miser. In-  
terea ueri calamitatis nuntii aduenere, utpote cum ex  
conflictu ipso euassissent. unusquisq; igitur ad domesti-  
cas infelicitates deplorandas cōuersus discessit. Ille in-  
terea rotæ alligatus mansit, cūq; inclinato iam die tan-  
dem aliquando solutus esset, tortorem identidem per-  
cūstabat, an de Nicia qui exercitui præfuerat, & quo-  
modo interfectus fuisset, aliquid audisset, adeo consue-  
tudo irreprehensibile, ac inexpugnabile malum, nuga-  
citatem reddit. Quemadmodum autem qui acerbam

& male olentia pharmaca biberint, etiā ad calices ipsos  
nauseare solent, sic qui mala nuntiare consueuerunt, au  
dientibus molesti, odiosiꝑ sunt. Ideoꝑ cōmodissime  
Sophocles dubitasse uidetur.

Animum per aures cur momordisti meas?

Meum dolorem concinne quid narras mihi?

Quicumꝑ factis lædit, offendit prius

Mentem, loquendo sed aures afficit dolor.

Quocirca non minus qui dicunt, quam qui faciunt do  
lore afficere solent, & tamē dum lubricitate sua perfluit  
lingua, neꝑ contineri, neꝑ reprehendi potest. Apud

Lacedæmonios Palladis æreum delubrum est, a, quo

etiam cognominatur. Id cū quidam depeculati essent,

reperita est templi medio uacua lagena. facto itaqꝑ po

puli cōcursu, erat apud complures ambiguitas eam ob

rem maxima. At exstantibus quidam si uultis (inquit)

quid mihi de lagena hac in mentem uenerit, explicabo.

Existimo enim sacrilegos huiuscemodi homines, cum

tantum periculi adituri essent, aconitum bibisse, ac ui

num propterea secum detulere, ut si rem perficerent, &

latere possent, mero ebibito, & ueneni ui dissoluta, atqꝑ

extincta, liberati discederent. sin īterciperentur, expedi

to mortis genere, & sine doloris sensu, quæstiones, tor

mentaꝑ euaderent. Hæc cum dixisset, non eius qui cō

iectura, suspicionibusue, in re dubia īcertaꝑ niteretur,

sed omnia scientis, illis qui aderant, sententia hæc uisa

est. Idcirco undiqꝑ circumstantes, alius hinc, alius inde

urgere, inquirere, tu quis es? quis te in hac urbē nouit?

unde nam hoc scire adeo præcise potuisti? ac demum

*laena id ē  
templi uacua  
ad sacra pertinet*

deprehensus, & irretitus undiq; se unum ex his qui sacri legium perpetraverant, esse confessus est. Ibici quoque interfectores, nōne in Theatro sedentes eodem modo intercepti fuere? Cum enim grues superuolarent, in risum soluti, alius alii insusurrabant. Ecce Ibici ultrices adsunt. Quod uerbum a prope sedētibus exceptum, cū longo iam tempore Ibicus non compareret, & quæreretur, ad ciuitatis principes detulerunt. Hoc igitur pacto redarguti, & in uincula coniecti, non gruibus, sed propriæ linguæ petulantia, tanquā furiis ultricibus agitati, mortem ei intulisse cōfessi sunt. Vt enim ad partes corporis male affectas, & dolentes, propinqua fluxu feruntur atq; descendūt, sic nugacis hominis lingua, cum semper inflammatione quadam pulsetur, ad sese occultum, secretumq; aliquid trahit, & colligit. Quapropter quasi obice quodam præmuniri eam oportet, rationemq; ualli, propugnaculiq; loco illi opponere, atque hoc maxime artificio fluxum eius, labilem quæ intemperantiam coercere, ne anseribus insipientiores esse uideamur. quas (aiunt) dum ex Cilicia Taurum montem aquilis refertum superaturæ aduolant, satis magnum lapidem ore suscipere quasi claustrum, aut frænum aliquod garrulitati imponant, atq; ita noctu, latetēsq; magno silentio superferuntur. Siquis percunctaretur, quis omnium scelestissimus, perditissimuscq; inter homines esset, nullus certe alium, quā proditorem proponeret. Et tamen Euthykrates, ut ait Demosthenes, ex macedonicis trabibus insignem erexit domū, Philocrates aurium magnam accepit, quam scortando, obsonandoq;

profūdebat. Euphorbo, ac Philagro, qui Eretriā prodidere, agros concessit Rex. Nugator autem sine ulla omnino mercede proditor uoluntarius est. Et tamen nec equitatum, nec muros ciuitatis prodit, sed solum quæ secreta esse oportebat, in iudicio, in seditionibus, in repub. effert. nullusque propterea gratias illi agit, quin potius si auditorem habere potuerit, gratias illi se debere ultro existimat, adeo ut quæ ad prodigum, qui nullo adhibito iudicio sua proiicit, & donat, dicta sūt, Non tu benignus es, sed morbum pateris, donare gaudes, ad garrulum commodissime transferri possunt. nō propterea amicus es, quia hæc communicas, morbum habes, nugari gaudes. Hæc autem admonitio, non accusatio loquacitatis, sed medicina existimanda est. Affectus enim nostros, iudicandi solertia & exercitatione superamus, sed iudicium præcedat oportet. Ne mo enim assuefactione assequi poterit unquā, ut quod non displicuerit prius, abhorreat animo. affectus uero tunc abhorremus, quando probra, dispendiaq; ex ipsis peruenientia mente, ac ratione perceperimus. Id quod in præsentia usu uenire huiusmodi nugatoribus uidemus, qui amari uolentes, odio habentur, gratificari cupientes, molesti sunt. cum se in omnium admiratione esse existiment, deridentur. Qui cum nihil lucrentur, consumunt sua, in amicos iniusti cum sint, inimicis profunt, & se ipsos perdunt. Quocirca prima hæc curatio & pharmacum huiusce affectus erit, si turpia, si calamitosa quæ a nugacitate proueniūt, cōsiderauerimus. Secunda item medicina adhibenda est, ut quæ contra



nugaces identidē dici solēt, meminerimus, ac in prom-  
 ptu taciturnitatis laudes tenuerimus, & quā graue, quā  
 sanctū silētiū arcanum sit, ante oculos habuerimus sem-  
 per. Quodq; maiori admiratione apud homines sūt, &  
 amantur magis, longeq; sapientiores existimantur, qui  
 rotunda breuitate utentes multum sententiæ modica  
 distione cōprimunt, & icludunt, quā qui redundantes,  
 & sine freno uerborū sunt. Nā & Plato ipse tales p̄cipue  
 laudat, eosq; peritorū militū similes esse ait, qui crebra  
 & sana, cōtortaq; uerba loquuntur. Lycurgus quoq; ad  
 hāc dexteritatem, ciues statim a pueris assue faciebat, ac  
 taciturnitate quodāmodo cōprimens spissiores redde-  
 bat. Quēadmodū enim Celtiberi ex ferro ipso tempe-  
 ramentū faciunt, cū terræ defossū, quod in eo terre-  
 stre erat, expurgauerint, sic laconicus sermo corticē nō  
 habet, sed eo quod superfluebat adempto, ad rem agē-  
 dam quodāmodo i citatus acuit. Tale enī est apud eos  
 orationis genus, quod breue, concisumq; cū sit, oppor-  
 tuna conuersione adhibita, cōmode, & acute, ex diutur-  
 na silētiū obseruatione ī colloctionibus resultat. Hæc  
 igit & similia nugacibus proponere necesse est, qualē,  
 quantāq; gratiā, & uim p̄ferant ostēdere. Quale illud  
 est. Lacedæmonii Philippo. Dionysius Corintho. &  
 rursus cū ad eos scripsisset Philippus, si laconicū agrū  
 inuasero, funditus uos delebo. rescripserunt, Si quidem.  
 Rex etiam Demetrius, cum moleste ferret, unicum tan-  
 tum ad se oratorem misisse eos, ac propterea uociferās  
 crebro iactaret, unū ad me Lacedæmonii legauerunt?  
 nihil propterea deterritus orator, unū ait ad unū. Sēper

enim præcipua in admiratione fuerūt ueteres qui bre-  
uiloquio studuere. Et in Apollinis pythii templo, non  
Iliadē, Odyssæamue, aut Pindari pæanas, Amphictyo-  
nes inscripserūt. sed Nosce te ipsum. Ne quid nimis. Et  
Fideiussionem detrimētum sequitur. Admirati quip-  
pe sunt propositionum concinnam grauitatem, quo-  
niam breuissima significatione rotundam sententiam  
contineret. Ipse autem Deus nonne in ædendis oracu-  
lis, & cōcisior est, & breuiloquentiæ affectator? propte-  
reaq; contortus appellatur, quoniam nugacitatem po-  
tiusquā obscuritatem declinat, & fugit. Inter homines  
etiam nonne illi qui sine uocis ministerio, quæ oporte-  
bat, per symbola enuntiasent, maxime laudantur, & in  
admiratione sunt? Vt Heracletus, cum a ciuibus, ut ali-  
quam de mutua concordia sententiam diceret, rogare-  
tur, pulpitum ascendit, calicemq; frigida impleuit, &  
farinam infudit, ac indice imiscuit & bibit, posteaq;  
discessit. ut uidelicet eis significaret, q̄ qui in mediocri-  
bus contenti fuerint, sumptuosissq; apparatus mini-  
me indiguerint, urbes in pace, concordiaq; seruabunt.  
Et Scylurus rex Scytharum cui octoginta erant filii, cū  
morti proximus esset, hastarū fascem afferri petiit, man-  
dauitq; adolescentibus, ut ītegrum, colligatumq; rum-  
perēt. cūq; fatigati destitissent, ipse singulatim lanceas  
traxit, & nullo negotio fregit. quo facto fratremam con-  
cordiam, beneuolentiamq; si in ea persisterent, munitā  
insuperabilemq; sin discordia soluerentur, & debilem,  
& instabilem futuram significauit. Igitur si quis hæc, &  
huiuscemodi continenter dixerit, atque inculcauerit,

fortasse ab hoc nugandi pruritu, & uoluptate desisset.  
 Me uero etiā seruus ille maxime incitat, ut rationi obtē  
 perare, ac in sentētia constantissime permanere, quale,  
 quantūq; sit, sæpe ac diu cogitem. P. Piso orator, cum  
 perturbari uerbis non sustineret, seruis mandauit, ut in/  
 terrogati solum, & nihil amplius loqueretur. Post hæc  
 Clodium e proceribus, cum honorare uellet, inuitari  
 iussit, ac splendido ut æquum erat, apparatu hominem  
 erat suscepturus. Instante igitur hora, alii omnes uocati  
 aderant, Clodius autē adhuc expectabatur. Piso interea  
 nomenclatorem seruū, an adhuc ueniret, exploratum  
 sæpenumero mittebat, cūq; ad uesperasceret, ac uentu/  
 rus iam desperaretur, ad seruū conuersus, nōne ipsum  
 inquit uocasti? uocaui ait ille. quare igitur non uenit?  
 quia negauit. cur statim nō dixisti? quoniā hoc (inquit)  
 me non interrogasti. Hic itaq; seruus erat romanus. At/  
 ticus uero etiam fessor, quibus conditionibus facta sit  
 pax, enarrabit, adeo in omnibus consuetudo maximū  
 est, de qua ut iam differere incipiamus, tempus admo/  
 net. Non enim tāquam freno aliquo nugacis hominis  
 lingua coerceri potest, sed morbum consuetudine su/  
 perari necesse est. Primum itaq; te ipsum assuefacias  
 oportet, ut aliquo ex assidentibus interrogāte, quousq;  
 omnes respondere destiterint, taceas. Vt enim Sopho/  
 cles ait, sicut cōsiliū, & cursus, finis idem non est, ita nec  
 responsionis & uocis. Illic enim præcurrentis uictoria  
 est, hic autem si quod satis est, respōderit alter, appro/  
 bando, laudandoq; beneuoli, modestiq; hominis fa/  
 mam sibi ipsi uendicare optimum erit. sin non satis fe/

D

cerit, tunc & docere quod ignoratur, & si quid desit,  
supplere sine inuidia licet, idq; nullo modo intempe-  
stiuum est. Maxime autem omnium cauere debemus;  
ne dum interrogatur alter, præoccupemus, præripia-  
musq; responsum, & fortasse alias quoq; haud hone-  
stum est, cū quid ab alio petitur, quasi alterum, e, loco  
depellere uelimus, profiteri nos. simul enim existima-  
re uidebimur quod petitum ab eo est, ipsum præstare  
non posse, & eum qui petit, tanquam, a, quibus petere  
oporteat inexpertum uituperabimus. est autem huiusce  
modi audacia atq; temeritas maxime contumeliosa.  
Qui enim hoc præoccupationis genere in responden-  
do utitur, arrogātiā quandam præferre uidetur, ac  
si diceret, quid nam homine hoc indiges? Quid enim  
nouit? me autem præsentē, alium cur interrogare opor-  
tet? Nam sæpenumero quosdam percunctamur, non  
quia nobis responsione sit opus, sed colloquendi sua-  
uitate, sermonis consuetudinem, ab his quibus cum lo-  
quimur, elicere uolentes interrogare solemus, ut Theete-  
tum, Charmidemq; Socrates prouocabat. Similis et-  
enim ineptia est, responsionis locum alteri præripere,  
ac mētem, auresq; alio conuersas ad se trahere. ac si quis  
dum osculo suscipi, a, quopiam uoluerit, osculum tu  
excipiendo præoccupes. uel cum quis alterum aspi-  
ciat, ipsum ad te inspiciendum conuertas. nam & si  
forte interrogatus quis, respondere non possit, quū se  
paululum continuerit, modestius faciet, ac deinde si  
ita interrogans exegerit, moderate ac uerecunde, tan-  
quā ad alienam euocationem inuitatus, sese componet

ac respondebit. Qui enim, cum interrogati fuerint, respondendo errauerint, merito, iureq; digni sunt uenia. si quis autem sponte sermonem præripit & resumit, etiam si bene respóderit, ineptus, sin aberrauerit omnino ridiculus est, & ludibrio habetur. Secunda etiam cautio erit, cum proprie, peculiariterq; interrogatur quispiam, tunc enim continentissimum oportet esse nugatorem, & præcipue animaduertere, ne in homines incidat, qui risus & contumeliæ causa eum ad loquendum prouocent, ipse uero insciens & ignarus, adhibita diligentia serio respondeat. Sunt enim otiosi complures qui lusus, uoluptatisq; captandæ gratia quæstiones aliquas fingunt, & huiuscemodi hominibus proponunt, eorumq; loquacitatem excitant. Quod quidem cauere necesse est, nec celeriter ad responsionem profiliendum est, neq; si sermonis occasionem iecerint, gratiæ haberi uideantur. Sed interrogantis mores, & uitæ consuetudo animaduertenda est diligenter, & si reuera discendi cupidus esse uideatur. Et tamen etiam si omnia illi suppetant, assuefacere qui interrogatur, se ipsum debet, ut inter quæstionem, responsumque, mediocrespatium intercedat. in quo & is qui interrogat aliquid addere, si ita libitum erit, possit, & qui interrogatur, quid responsurus sit, considerare ualeat. Neque enim accurrendum statim est, quoniam qui celeri respondendi cupiditate rapiuntur, ipsam interrogationem nondum completam, plerumq; obruunt, & idcirco festinantes aliud responsum pro alio sæpe reddere solent. Pythia uirgo etiã antequã iterrogata fuerit, eadẽ hora

D ii

sæpe oraculum efferre consueuit, nec mirum siquidem  
Deus, cui ministerium exhibet,  
Elinguem & tacitum, surdumq; intelligit unus.  
At inter homines, qui concinne respondere uoluerit,  
interrogantis mentem expectet necesse est, ut eius pro/  
positû certissime assequi possit, ne quod in prouerbio  
est, usu ueniat. solet enim de huiusmodi usurpari,  
Aliud petebam. Nã & alias fames ista, & ingurgitatio  
nugandi expellenda est, ne tãquam lubricitas quædã  
linguæ iam pridem insidens interrogationis sollicitudi  
ne, libentissime efferri uideatur. Hoc modo & Socrates  
sitim exturbare consueuerat, postquam enim sese exer  
cuiisset, sibi ipse bibere non permittebat, nisi prius cado  
euacuato, alterum hauriret, ut pars irrationalis, rationali  
obtemperare assuesceret. Tria ergo sunt quæ ad respon  
siones pertinent, genera. Vnum necessarium. Alterum  
benignius. Postremum superuacaneum. Verbi causa  
interrogante aliquo, an intus sit Socrates, qui prom/  
ptus esse noluerit, quasi coactus respondebit, Non in/  
tus. quod si laconico etiam more uti uoluerit, & intus,  
subticebit, solamq; pronunciabit negationem, ut ipsi  
Lacones, cum ab eis per litteras Philippus petiisset, an  
ipsum intra urbem suscipere uellent, in charta maiuscu  
lum, NON, rescripserunt. qui uero benignior fuerit,  
intus non est, sed apud Mensarios respondebit. Et si  
cumulatus addere uoluerit, aduenas ibidem expectat.  
At ille superuacuuus & nugax, & qui forsitan paulo ante  
Colophonium Antimachum legerit, intus non est, in/  
quiet, sed apud Mensarios. hospites enim quosdam



ionicos præstolatur, de quibus ad eū scripsit Alcibiades, qui Mileti est in præfenti, & apud Tisaphemē Regis magni Satrapem uersatur. is pridē Lacedæmoniis suppetias ferebat, nunc Alcibiadis causa ad Athenienses inclinare uidetur. Alcibiades enim in patriam redire cupiens, Tisaphemem in partes transtulit nostras. Et ut breui concludam, octauum Thucididis librum duplicabit, & hominem inundatione quadam uerborum obruet, quousq; Miletum expugnatam, & secundo in exilium actū Alcibiadem enarrauerit. Idcirco in hisce nugacitas, præcipue in officio continenda est, & interrogatio tanquā per uestigium deducēda & calcaribus, interualloq; adhibito, ad interrogantis usum circumscribenda erit responsio. Cameadi, cum magnam apud homines auctoritatem adhuc non esset affecutus, aliquando in Gymnasio differenti, ut uocis contentionem remitteret, mandauit Gymnasii magister, erat enim uocalissimus. cumq; dixisset, tu igitur mihi mensuram uocis da, non inepte subiecit ille, eum apud quem loqueris, tibi do. Similiter etiam responsionis modus ad interrogantis referendus est uoluntatem. Et ut Socrates ab eo cibi, potionisq; genere cauendum esse monebat, quod nō famescētes ad edendū, non sitientes ad bibendum alliceret, sic etiam nugaci necesse est ab eo sermonis genere, quo præcipue delectatur, & usq; ad fastidium uti solet, maxime cauere, cumq; sese offerat, ac titillet, omnino aduersari. ut militares homines in pugnis numerandis dicaces sunt. Talem quippe Nestorem introducit poeta, nam crebro uictorias, & res gestas suas



usurpat. eos etiam qui causam in iudicio, industria, so/  
lertiq; ppria obtinuerint, aut præter spem apud Prin/  
cipes uel Reges grati, acceptiq; fuerint, nugacitas tãquã  
morbus quidã facile comitat, & sequitur, ut cõmemo/  
rent, narrentq; milies, quomodo introierint, adducti  
sint, certauerint, disseruerint, aduersarios, accusatoresq;  
redarguerint. Postremo quibus uerbis laudati fuerint,  
sæpe repetât. Lætitia enim exuberãs, Vigilãtia illa, quæ  
in comoedia inducit, loquacior est. Dum enĩ se ipsam  
sæpe excitat, in narrationibus noua recentiorq; semper  
assurgit. Idcirco ad omnẽ occasionem, in huiuscemo/  
di sermones quasi lubrico in loco stantes labuntur, non  
solum enim ubi quis doluerit, ibidem & manũ habet.  
uerum ubi uoluptas est in loquẽdo, uocem ad sese alli/  
cit, & linguam ad id circũducit, quod semper memo/  
riæ inhærere cupit. nam & amatoribus etiam maxima  
iucunditas est in eo sermonum uersari genere, quo rerũ  
amatarum memoria refricetur, adeo ut quando cũ ho/  
minibus id agere non possint, cum inanimatis loquun/  
tur. O dulcis lectule, Bachis te deum putat. Lucerna fer/  
lix, dearum maxima, siquidem huic talis uideris. Enim  
uero ad omnia loquendi genera alba regula (ut in pro/  
uerbiis est) solet esse nugator. uerum tamen quoniam  
in quibusdam peculiarius affici uidetur, ab illis cauere  
ac omnino cõtinere se ipsum debet, & quã longissime  
potest, ab ea cantilena abesse, quæ uoluptatẽ longiuscu/  
le deducendi sermonis inducat. Idem quoq; nugatores  
patiuntur, dum in sermonẽ earum rerum incidunt,  
in quibus pro usu, & experiẽtia, alios habitu se antecel/  
12 11

lere putauerint. Cum enī huiusmodi homo se ipsum amat, gloriæq; cupidior sit, ut cæteris excellentior esse uideatur, plurimam diei partem in hoc genere consumit. Qui multæ lectionis est in historiis, in arte grammatica qui per orbem terrarum uagando errauerit, in extraneorum moribus enarrandis immoratur. quapropter hæc maxime cauenda sunt, irretitur enim huiusmodi uoluptate nugacitas, & tanquam animal quoddam brutum, ad cōsuetapabula suapte procedit. Mihi uero admirabilis uidetur Cyrus, quoniam ita cum æqualibus certabat, ut eos non in quibus melior ipse, sed ubi indoctior, minusq; expertus esset puocaret, ne scilicet uictus, si ita casus tulisset, dolore afficeretur, & ipse interea discendo proficere posset. At nugax omnia contra, si enim sermo ex quo doceri possit, inciderit, uel occasio aliqua occurrat, ut aliquid quod prius ab eo ignoratum est, interrogare ualeat, eam quam primum expellit, & excludit, nec breuem sibi ipsi taciturnitatis mercedem comparare sustinet. sed ad extraneas, & multis iam inculcatas sermonum cōcinnationes quasi circulator defertur, ut apud nos quidam, dum casu duos, tresue historiarum Ephori libros legisset, omne genus hominum quodammodo excruciat, & conuiuia omnia funditus euertebat, cum semper Leuſtricam pugnam, & quæ sequuntur, usque ad fastidium enarraret. idcirco Epaminundæ cognomen sortitus est. Verum tamen hoc minimum in eo malorū omnium erit, quin potius ad huiusmodi studia nugacitatem conuertere operæ pretium est. Minus enim in loquacitate turpi-

itudinis inesse uidebitur, si studiosis, literatisq; sermonibus recensendis immodica fuerit, talesq; ut priuatim scribant, ac sine auditoribus differant, adhortandi sunt. Antipater stoicus, cum neq; uellet, neq; posset, ut uideretur coram disputare cum Cameade qui summa eloquentia præditus, ut torrens quidam in stoicos ferebatur, quotidie in eum scribebat. & quia de ratione differendi, argumentandiq; contra ipsum Cameadem multa ineptiora uolumina ædedit, Calamoboans est appellatus. Nugax uero, si ab assidentis populi uoce se ipsum ablegauerit, hæc umbratilis, & domestica scribendi ratio eum minus molestum his, cum quibus uersabitur, fortasse reddere poterit. Nam & Canes, cum iram in saxa, lignaq; effuderint, hominibus minus nocent. Proderit etiã ipsis maxime, si cum melioribus, aut senioribus uersentur semper. Dignitatem enim eorum quibuscum erunt, uerebuntur, proptereaq; in officio, & consuetudine tacendi se continebunt. Oportet etiam implicitos imbutosque assuefactione illa nos esse, ut cum quid dicturi sumus, & iam uerba ad os usque percurrerint, ratione ac iudicio adhibito, nos ipsos alloquamur, in hæc prope modum sententiam. Quod nam est hoc uerbum, linguæ insidens, ac uim inferens? Ad quid in linguam appulsum est? si id dixerimus, quid assequemur boni? sin tacebimus, quid eueniet mali? Neq; enim sermo tanquam pondus aliquod aggrauans deponendus est, si quidem etiam cum prolatus fuerit, similiter manet. aut enim dum aliquo modo indigent sui ipsius causa, uelut auditoribus emolumento sint, loquuntur homines, aut

conciliadæ inuicem uoluptatis, & gratiæ ratione, iucū  
 diore sermonum uice, locum in quo uersantur, uel ne/  
 gotium quod agunt, tanquam salibus quibusdam cō/  
 dire solēt. Quod si nec dicēti utilitas, nec auditorib. ne/  
 cessitas, nec uoluptas, aut gratia ex eo quod locuturi su/  
 mus, resultauerit, quam ob causam dicitur? Nam aduer/  
 bia illa, Frustra & Incassum, nō minus ī uerbis, quā rebus  
 inesse usu compertum est. Ante omnia tamē & in hisce  
 omnibus illud Simonidis in promptu habere, & memi/  
 nisse debemus. Aiebat enim se quod locutus esset, sæ/  
 penumero poenituisse, quod tacuisset, nunquam. Illud  
 etiam cordi teneamus, q̄ exercitatio omnes difficulta/  
 tes uincit, & superat, siquidem tussim, atq; singultum  
 homines adhibita diligentia magno cum labore, ac do/  
 lore, quasi per uim sæpe expulerunt. Taciturnitas autē,  
 non solum res minime siticulosa, ut Hippocrates ait,  
 uerum etiam sine moeroris, dolorisq; sensu est.

F I N I S.

R O M A E I N A E D I B V S  
F. M I N I T I I C A L V I  
N O V O C O M E N S I S  
A N N O M . D X X I I I I .  
M E N S E  
A P R I L I .









